



UNIVERSITÄTS-
BIBLIOTHEK
PADERBORN

De Vita Et Rebus Gestis Christophori Bernardi Episcopi Et Principis Monasteriensis Decas

Alpen, Johann von

Coesfeldiae, 1694

42. Brabeckius Hagam redux. Concordiæ projectum componit. Ejus
summa.

[urn:nbn:de:hbz:466:1-68495](https://nbn-resolving.org/urn:nbn:de:hbz:466:1-68495)

1660.

42.
Brabeckius Hagam redux.

Brabeckius Decanus, qui nona Januarij, equo generosiore, quem mitte florensis aestimabant, à Principe Auriaco Donatus in Westphaliam redierat, quamprimum de mutuanda Monasteriensibus pecuniâ mens Reip. Principi innotuit, in Hollandiam reverti iussus, hisce temporibus iterum Hagæ præsens erat. Quotidiana illi conversatio cum *Friquetio* Cesaris & *Weimanno* Cancellario Clivia. Brandenburgici Electoris Ministro, cum *Wittio* Hollandiæ, & *Grotio* Urbis Amstelodami Oratoribus, sub horum incude fervebat tentanda compositio. Eo fine

Cum aliis concordia projecta componit.

conveniebant frequenter, & unâ invitaverant Monasteriensium Abligatos; sed hi defectum potestatis causati conventum studio declinabant. Cùmque in chartam conjectæ essent compositionis leges (*Projectum* vocitabant) authores persuadent *Flodorio* Comiti quod apud populum Monasteriensem autoritate & gratiâ valere crederetur, Monasterium adeat; temperet Civium animos, ut ceu favorem amplectantur. Acturos etiam cum *Brabeckio*, ut & ipse emolliat mentem Principis, ne repudiet. Summa verò *Projecti* hæc fuit.

Eius Summa.

Esto præteritorum omnium oblivio & amnestia generalis. Hanc ceu gratiam agnoscat Civis. Principi sit semper devota Civitas, & is Civitati benignus.

nignus. Gerant se in posterum ut verè subditos decet, Præsul contra, quâ inauguratus addixit fide. Quæstio super jure præsidii annos viginti quinque, nevirius partis damno suspenditor. Dilapso hoc spatium, si necdum sopita fuerit, decisio ejus apud Tribunal Cesaris sollicitator. Quidquid tunc decerni contigerit, stator æternum. Nunc Princeps imponat Urbi præsidium peditem quingentorum, Governatorem & militiæ præfectos ipse erect. Omnes hi Sacramentum patriæ dicant, ejusque sumptus alantur. Ingruente vero majore periculo liceat Principi, conscio tamen Senatui, quadringentos pedites & equites centum superaddere. Inter hos prætoriani non numerentur. Si necdum secure satis eo sibi provisum arbitretur Civitas, possit assentiente Præsule ducentos, trecentos, aut quadringentos adscribere sumptu suo, ac nominare Præfectos, sed à Principe confirmandos, signisque militaribus decorandos; quibus & simul imperet Princeps in Urbe Governator. Sin minus id arrideat Civibus, lubeat Principi vicinis è paræciis accire numerum, qui adversus pericula sufficiat tuenda Civitati. Hospitia Senatui, servitia Princeps ex Provinciali arario, procuret. Arbitrarium sit Præsuli

Præsuli

Præsuli vel mutare praesidiarios, vel transferre. Gubernator, Eiusq; Vicarius coram delegatis Ordinum Patria iuramentum emittat: quoad cetera in eo contineatur, ne contra hanc transactionem agant. Civis, quibus videbitur locis necessum, excubias agere non prohibeatur. Istius autem Ordinatio, unquam disciplina militaris esto penes Gubernatorem. Miles ab omni onere Civico sit immunus. Urbs ex authore nunc militem suum. Ad quamlibet portam, turrim, vallum bina fabricator sera, & bina claves. Ha Principi Urbem nunc primum ingressuro, & post successoribus, dum inaugurarantur, ante portas debitam cum submissione offerantur. Medietatem sibi reservet Princeps, alteram ex gratia Senatui largiatur, sponsura, quod iis uti debeat ad Principis venerationem, & Patria, Urbisq; securitatem. Jus Tesserae seu militaris symboli solius est Principis. Urbs sine Principis & eorum consensu, quorum fundi ac iurisdictio tangitur, nec extendat nec contrahat, sed reparet munimenta. Clerus omnis & qui immunitates habitant, iique ministri, quibus libertas iure debetur, nullam onus Civile sustineant, seu curribus impostum seu frumentis. Nec novi quid Urbs
statuas

statuat exteris onerosum. Dissidia Civitatis & Collegij Cathedralis componantur. Si quando gravari se putet Civitas, querentes benigne Princeps audiat, & si præter æquum tractari se judicent, iure agatur. Externa post-hac auxilia non impleret, sed statim renunciaret Urbs cuiuscumq; federi cum alienis pacto. In Transactionis presentis leges juret Senatus, quoties in annum eligitur, & Successoribus, dum inaugurantur, & vacante sede Collegio Cathedrali.

Dum eo instructus projecto Monasterium advenit Comes, aversos statim offendit Civium animos: tantò quidem turbatiores, quò minus expectatum erat. Postetne liber Civis, persuasuro respondebant, amplecti legem, quæ libertatem, juraque Civitatis omnia evertat? Dominium præsidij tribui soli Episcopo: clavium partitionem, ferarum duplicationem, nec solum ad portas, sed & turres ac valla, inauditam esse, nec Cæsaris quidem sententiâ contineri. Voluntati Episcopi, votoque Cleri delatum, quidquid optatum, gratumque fuit; Civitati verò non modo indulgeri nihil, sed tertio præterea in Comitibus suffragio, quin & proventibus & munimentis suis exui. Ipsos sanè adversarios nunquam ausos fuisse istarum ob-

43.
A Flo-
dorpio
in Urbem
perfer-
tur.

Sed à Ci-
ve reji-
citur.

H h jectum